

憲示 第一百六十號

輔政使司史

曉諭開投地段事茲奉

督憲札開定於西歷本年四月十七日即禮拜三下午五點鐘開投官地一段以七十五年為管業之期等因奉此合亟出示曉諭為此特示

該地一段其形勢開列于左

此號係冊錄村落屋宇地段第七十五號坐落花園道近車路處該地四至北邊一百六十尺南邊一百六十尺東邊八十尺又一百六十尺西邊八十尺又一百六十尺共計三千方尺每年地稅銀一百一十圓投價以三千圓為底

開投章程列左

一投地之價由限底銀數加上以價高者得倘二三人或多人同價互相爭論則在各投價內擇一價為底再投

二各人出價投地每次增價至少以十圓為額

三投得該地之人自槌落之後即照例簽名於合同之下由投得之日起限三日內須將全價在庫務使司署呈繳

四投得該地之人由投得之日起限三日內須在田土廳繳銀十圓以備工務司飭匠用石塊慙好刻明冊錄號數安立該地每角以指明四至等費

五投得該地之人于印契時應將公費銀十五圓呈繳田土廳

六投得該地之人由投得之日起限以十二個月為期當用堅固材料美善之法建屋無論幾間以合居住並必須牢實可經久遠此等工程所用不得少過四千圓除建歐洲人所住屋宇式樣有傍舍外廊之外一概別款屋宇不准建造在該地內又必遵照工務司之法並用料建築暗渠使該屋及廚房傍舍等處所有餘水及汚濁之水流入至近之國家暗渠內在地左右如無

國家暗渠者所有餘水或汚濁之水須使流入工務司批准之處乃可其所造暗渠物料須要潔淨事務司署准用方可其餘溝渠汚物並餘水

及汚濁之水不得經由四鄰之地流去無論該地屬

國家或民家者又不得將枯朽汚穢糞料攪糞等件積貯該地上或於與

工時將掘出之泥堆積該地之上或官地之上以致其斜下之泥為雨水沖去其斜下之泥須用草皮鋪置妥貼若是緊要須用石牆遏實投

得該地之人須將所有捨棄之物每日一次由屋遷移別處

七投得該地之人須於西歷本年六月二十四日將其一年應納之稅銀

按月分納庫務司以後每年須分兩季納清即於西歷十二月二十五日先納一半其餘一半限至西歷六月二十四日完納

八投得該地之人俟將照工務司之主見所有一切事件均已按章辦妥

始准領該地紅契由投得之日起管業七十五年照上地段形勢所定稅銀每年分兩季完納即於西歷六月廿四日先納一半其餘一半限於西歷十二月廿五日完納并將香港村落屋宇地段紅契章程均印

於契內

九投得該地之人倘有錯誤未遵章程即將其呈繳之地價銀一份或全

數入官或可勒令其遵章辦理或隨時隨處不論用何方法再將該地開投倘再開投所得價值較前投之價若有贏餘全行入官如有短絀

及一切費用概令違背章程之人補足

十投得該地之人由投得之日起將該地歸其管業

續設專章一則

投得該地之人須於該地內建築應用暗渠以使餘水並污水由田庄地段六十三號水師養身廠流去

業主合同式

立合同人某某於某年某月某日投得某處地段應遵照上列投賣章程作為該地段業主領取紅契為憑

投賣號數

此號係冊錄村落屋宇地段第七十五號每年地稅銀一百一十圓

一千八百八十九年

四月

初六日示